

Breton

CAVORETTO - TORINO anno 1921 die 8.

Honorato domino,

Me recipe la langue auxiliaire usque ad numero 24, et cetero publicationes et epistola de 29 decembre; gratias. me mitte ad Vos plure publicatione de Academia. Me vide que in tempore de bello, in Francia es publicato script pro espo et Ido. In isto periodo de tempore nos in Italia es toto occupato in bello. In 1917 conditiones de vita et de alimentacione es grave.

Auxilio ex Aamerica salva nos. Et solo hodie Academia rescuscita ex suo lethargo. Me lege cum multo interesse publicationes que vos mitte ad me, et me desidera que socios de Academia cognosce illos. Nam me es solo direttore de Academia, ubi existe esperantistas, idistas, autores de lingua a priori, que a priori non debe es excluso, et auctores de omni forma plus recente, in que es commune desiderio de lingua internationale; omni socio scribe in forma que illo vol, et collaboratores intellige se. Nam me lege subito omni forma de interlingua. Ergo me preca que vos publica opusculo relativo ad lingua internationale, ubi vos expone opiniones de vo et mitte illo ad omni socio de Academia. Numero de illos es hodie solo - 60 Tunc vos es nominato socio de Academia, sine contributione annuo, et plure amico de vos pote fac alio publicatione, aut fac cum vos publicatione colectivo. In isto opusculo es bene que vos considera deliberationes de Academia, super vocabulario et orthographia latino. Deliberationes de Academia exprime solo opinione de majoritate et es obligatorio pro nullo; es solo programma de discussione. Fautores de aliquo systema de lingua internationale non debe suade me, que es solo medio de communicatione inter socios, sed debe suade socios. Socios Basso: Pinth, Michaux, etc. etc jam habe publicato opusculo, que me non pote mitte ad vos.

Si fautores de lingua internationale forma ecclesias disjuncto, resulta plure systema de interlingua, et lectores audi uno solo parte. Me crede que unione de interlinguistas in uno societate produc subito lingua internationale, cum variantes minimo, siut in omni lingua nationale. Me non crede que uno homo, aut plure iudice, aut gubernos pote jube lingua internationale, et decide de grammatica. Olim grammatico Marcello dic ad imperatore Tiberio: Tu Caesar civitatem dare potes hominibus, verbis non potes. Interlingua debe es constructo ab publico que habe necessitate

Tale es meo opinione, sed me respecta opinione de alios, socios ayt
non que spera solutione ab aliquo commissione aut ab societate de natione.

Interessante es Ido-radicaro.

abako es non solo DEFIS, ut es scripto, sed etiam latino et graeco, ut
resulta ex VOCABULARIO COMMUNE, quem me mitte ad vos. . Cum auxilio de
isto vocabulario vos pote adde latino et graeco quando es possibile,
quod da informatione interessante ad lectores et augmenta internationalita

Idem vocabulo es etiam russo ut resulta ex meo vocabulario de 1909,
que me mitte etiam ad vos. Vos pote adopta meo indicationes, et non es
necesse que vos cita me, nam me habe tracto indicationes ex libros
que a cita, et que omni pote consulta.

abciso abscisse. Me in libros francals semper vide scripto abscisse.

abuikar es latino, abdomino idem etc.

abelo non es italiano. ApI. in 1900 pro construe suo vocabulario et
determinatione de internationalitate de vocabulos recurre ad socios de na-
tiones differente. Idem pote fac vos, et vocabulario resulta plus exacto.
Me mitte ad vos libros de Basso, que vos desidera.

Cum augurio de vide vos et amicos de vos ad ingredi in Academia pro
Interlingua ubi vos fer studio et activitate devos, me preca que vos
accipe meo salutationes cordiale.